

蜀

典

蜀興卷二

老威介侯甫張 澍編輯

人物類

險絕之區多生倣詭靈仙豔姿經儒文士禹配女嬌許友
嚴儔袁弘無墓洛下遺氏舉而正之以比野史

奇相

蜀檣杙曰古史云震蒙氏之女竊黃帝予珠沈江而死化爲奇
相卽今江瀆神是也按黃帝傳云象罔得之後爲蒙氏女奇相
氏竊之沈海去爲神江臈云奇相得道史記索隱引庾仲雍江
記云帝女也卒爲江神一云江瀆神生於汝川廣雅云江神謂

之奇相十國春秋蜀王建通正元年大霖雨蜀主禱於奇相之
廟錄異記鄭君雄爲遂州刺史於水東壩見旌旗帟幕人物喧
闐如軍行探問乃江濱神也一統志引山海經云神生汶川馬
首龍身禹導江神實佐之今經無此文疑誤引

蒙山妹嬉 岷山琬王

屈子天問云桀伐蒙山何所得妹嬉何肆湯何殛王逸注桀伐
蒙山之國而得未嬉按列女傳以爲伐有施得之師古云有施
之女蓋以國語注言施爲喜姓國也淮南子亦云桀伐蒙山得
妹嬉羅長源謂蒙山卽岷山非也竹書紀年注后桀十四年命
扁伐岷山氏岷山女於桀二人曰琬曰王后愛之無子乃斷其

名於苕華之玉苕是琬華是王而棄其元妃於洛曰妹喜蓋蒙
山所得者妹喜岷山所得者琬王皆蜀產也呂氏慎大覽桀迷
惑於末嬉好彼琬王高誘註琬當作婉謂婉順阿意之人非也
琬王當卽管子所云桀所愛之女華矣然菝文類聚引紀年以
琬王爲岷山莊王之二女今紀年無之而寧陽國志五茶夸發
夜郎莊王之墓王遜討滅之是又一莊王也說文繫傳徐鍇按
郭璞注上林賸引竹書云桀得有緡二美女刻其名於苕華之
玉苕是琬華是王與今本不同疑以克有緡伐岷山爲一事也

塗山氏江州

晉太康三年地記古當塗國夏禹所娶也西南有禹邨今九江

當塗縣有禹娶之地皇甫謐曰今九江當塗有禹廟則塗山在江南世紀云塗山氏合昏于台桑之野鍾離西七十里卽當塗縣杜預云塗山在壽春東北輿地記謂卽禹所娶塗山氏國呂氏春秋云禹娶塗山氏不以私害公自辛至甲四日復往治水故說文云九江當塗民以辛壬癸甲之日嫁娶水經注亦云江淮之信以辛壬癸甲爲嫁娶日而吳越春秋越絕等書又云禹娶會稽塗山應劭云在永興北永興今蕭山也按禹娶塗山乃蜀巴縣之塗山非壽春會稽之塗山也水經注云江州縣水北岸有塗山南有夏禹廟塗君祠廟銘存焉峯陽國志云禹娶於塗山今江州塗山是也帝禹之廟銘存焉杜預亦云巴縣有塗

山禹所娶山有禹王及塗后祠陶宏景水仙賸云塗山石帳天后翠幙指此東漢郡國志云塗山在巴郡江州爲重慶巴縣至今洞曰塗洞邨曰塗邨灘曰遮夫石曰啟母也寰宇記塗山在渝州巴縣東南八里岷江南岸古巴郡志山高七里周圍二十里尾接石洞峽東西約長二里許劉先主置關於此山之上酈善長庾仲雍輩並以爲禹娶於江州之塗山夫禹之娶于蜀豈獨以生于蜀哉蓋其祖昌意爲黃帝次子娶蜀山氏昌僕生帝顓頊乾荒亦娶蜀山氏渾子禹之不得遠締姻也亦人情矣當塗山氏遠適鳴條思戀本國築乃清臺還望蜀土猶陝虢時有娥之虛章丘留姜原之跡矣是會稽爲禹計功之地壽春爲

大會諸侯之所均非賦雄狐九尾之處也又禹本生於石紐而蜀王本紀乃云禹母含珠孕禹坼鬪而生於塗山舛矣顏師古漢書注引淮南子云禹治洪水過轅轅山謂塗山氏曰欲餉葦鼓聲乃來禹化爲熊跳石誤中鼓塗山氏來見禹慚而去嵩高山下化爲石禹曰歸我子石破北方而生啟夫禹治水詎無官師役徒何至使后持饁如田婦上畦其謬不待辯而嵩陽啟母廟前有高二丈中裂之石蓋爲無稽且旣爲石矣登封之墓又何爲者考盧元明嵩高山記昔陽翟有婦人孕身三十月乃生子從母背上出五歲便入此山學道神明爲母立祠因號曰啟母祠是嵩高之祠非高密之配徒以同爲啟母因疑相混也又

倦遊錄云三門禹廟神儀侍衛極肅後殿一瓊婆像侍衛皆胡人云是禹婦翁呂氏春秋塗山氏作歌以侯其伯姬是塗山氏有姊也又云禹省南土塗山氏之女令其侯禹於塗山之陽是禹有妾也楊炯少姨廟記云瀝地理志嵩高少室之廟其神爲婦人像故老相傳啟母塗山之妹是塗山氏又有妹也禮緯含文嘉云禹盡力溝洫百粲用成天降玉女一作天賜神姑聖姑未知卽指塗山氏否若世本言塗山氏名女媧連山易塗山氏名攸女古今人表名女魃大戴禮廣雅作女魃吳越春秋作女魃云

嚴信

蜀本紀嚴僖昇許由爲友蜀之道士也隱於雅州

尹吉甫子伯奇

水經注揚雄琴清英曰尹吉甫子伯奇至孝後母譖之自投江中衣苔帶藻忽夢見水仙賜其美藥思惟養親揚聲悲歌船人聞而學之吉甫聞船人之聲疑似伯奇援琴作子安之操按琴操亦言之江易今瀘州子雲蜀人以此事叙入江易是以尹氏爲江易人也明一統志云尹吉甫房陵人食采於房卒葬房之青峰山其言毫無左證鄭樵氏族畧云尹氏少昊之子封於尹城因以爲氏子孫世爲周卿士食采於尹今汾州有尹吉甫墓太平寰宇記云尹吉甫墓在南皮縣西三十里高三丈耆老傳

云吉甫墓上有樹二株自有冢以來卽有此樹柯條鬱茂不覺其老俗呼年長樹則吉甫之非蜀人灼然矣夫尹氏世爲周氏宗族椒繁粥鑊遠聞而吉甫能賢涼佐中興誦聲清穆徒以掇蜂聽讒孝子被放采椽履霜頭髮早白小弁是作隕涕我辰伯封尋求爲賦黍離異鳥鳴桑棲蓋悲切曾氏作鹽不免世訾耳今瀘州志云伯奇投江後太師葬之魑子山下歸子寺後墓尚存又云伯奇投江不沈又云吉甫夫人伯奇母馬氏有周尹夫人馬氏墓在州東尖峯山皆妄語也曹植惡鳥論言吉甫收奇未嘗投江則失之說苑獨云王國君前母子子伯奇後母子伯封亦異聞也

萇宏不葬蜀

拾遺記周靈王時有萇宏能招致神異王乃登昆昭之臺望雲氣蒨鬱忽見二人乘雲而至須髮皆黃非世俗之類也乘遊龍飛鳳之輦駕以青螭其衣皆絳緝羽毛也王卽迎之上席時天下大旱地裂火然一人先唱能爲雪霜引氣一噴則雲起雪飛坐者皆凜然宮中池水堅久可琢又設狐腋素裘紫羅文褥麗褥是西域所獻也施于臺上坐者皆溫又有一人唱能使卽席爲爻乃以指彈席上而暄風入室裘褥皆棄於臺下時有客成子諫曰大王以天下爲家而染異術使變夏改寒以誣百姓文歪周公之所不取也王乃疏萇宏而求正諫之士時異方貢玉

人石鏡此石色白如月照面如雪謂之月鏡有玉人機戾自能轉動萇宏言于王曰聖德所招也故周人以萇宏幸媚而殺之流血成石或言成碧不見其尸矣按蜀自漢以來多通術數其學蓋原於萇宏淮南記論訓云萇宏周室之執數者也天地之氣日月之行風雨之變律曆之數無所不通然而不能自知車裂而死史記天官書云昔之傳天數者周室史佚萇宏封禪書云萇宏以方事周靈王諸侯莫朝周周力少萇宏乃明鬼神事設狸首狸首者射諸侯之不來者依物怪欲以致諸侯諸侯不從而晉人執殺萇宏皆以殺宏在靈王時而左傳則在敬王之世夫宏依古禮以招諸侯當時來違天之議後世興依怪之誚

可謂忠不見諒矣又莊子云萇宏施腸淮南子云萇宏鉞裂而死又云車裂而死呂氏春秋藏其血三年化爲碧玉王子年云流血爲石礪易國志萇宏之血變爲碧珠皇覽云萇宏冢在洛陽東北邛山上史記集解封禪書續郡國補注曰雒陽縣東北邛山有萇宏冢郡國志云周人萇宏無辜見殺今洛中有祠存謂撞鐘祠是也是周以趙鞅故殺萇宏葬于成周而蜀中碧血不知何來莊子外物篇云萇宏死于蜀埋其血三年化爲碧司馬彪注云萇宏忠而流故其血不朽而化爲碧徐鍇云道家曰積精成青碧亦精氣之所爲也宋林廌莊子口義云萇宏被放歸蜀刳腸而死蜀人以匱藏其血三年化爲碧玉顯與左傳國

語違戾仙傳拾遺周末殺萇宏於蜀其血碧色入地化爲碧玉數里路土皆青色今蜀有青泥坊卽宏死處而韓子內儲說謂叔向讒萇宏僞爲宏書伴遺其書於周庭周以宏爲賣周也而殺之說苑亦云然時代舛錯矣萇宏左傳國語又謂之萇叔韋昭注叔萇宏字也溱荻文志陰陽家有萇宏十五篇

朱提梁氏女

揚雄蜀本紀蜀有王者出于天隴山蓋天精也朱提有梁氏女利出自江源字納爲妃字王于蜀号曰望帝移居郫邑荻文類聚引蜀本紀云魚鳧始稱蜀王都郫邑又築杜宇城因名杜宇有朱提氏

一日朱利

自江源出都於玉尺隴山有女名望帝美姿色

蜀王納爲妃不習水土而卒王痛之遣五丁力士於荏都山擔土爲冢與此外乖又以望帝爲杜宇之妻皆諸書所未言來敏本蜀論云從天下女子朱利自江源出爲宇妻

楚靈王妃巴姬

呂氏春秋晉文王西伐巴蜀國名記楚靈王妃巴姬也今果州之南充杜預云巴之江州縣按紀年云桓王十七年楚伐巴及鄧

秦精

嶧陽國志秦昭王時白虎爲害募人殺之廖仲藥何秦精等射中之按漢書作胸臆廖仲藥秦精脫何字一本又無藥字

商瞿

校史記弟子傳商瞿傳易于馯臂子弼子弼傳江東人矯子庸
疵漢書商瞿授魯橋庇子庸子庸授江東馯臂子弓二者不同
然司馬遷范華王肅等均以商瞿爲魯人蓋商姓也瞿名也字
曰子木司馬貞顏籍以爲複姓誤矣而宋祁先賢贊以爲蜀人
楊慎遂謂爲蜀之瞿上人且云世本作商瞿上世本今雖不傳
然諸書所引俱在並無商瞿上之文文翁石室圖亦未嘗作商
瞿上近人引石室圖作商瞿上者誤從楊氏非原文也路史國
名記云商瞿有瞿父鼎有商瞿氏宜爲瞿上羅氏之言蓋謂商
有瞿氏以地爲氏宜出于瞿上也猶言淳姓出於淳于鍾姓出

于鍾離云爾其以商瞿爲複姓又沿索隱師古之說楊氏不知
直云商瞿名上謬甚近人作雙流志遂云瞿生于瞿上鄉卒亦
葬瞿上墓在縣南五十里之應天山夫因瞿上而謂商瞿爲是
地人豈言偃是偃師人卜商是商丘人乎必不然矣曹學佺名
勝志謂瞿受易夫子時有錦雞白鵬爲文明之象抑何埒會之
甚耶猶憶往者同年霍松軒太史語余曰夫子謂商瞿年五十
有五丈夫子者以眉下有卧蠶紋故也余曰以予所聞則異是
易緯辨終備曰魯人商瞿使向齊國年四十今後宜作使行遠
路畏慮恐絕無子夫子正月與商瞿母筮告曰瞿當有五丈夫
子子貢曰何以知之子曰卦遇太畜艮之二世九二甲寅木爲

世立五景行水爲應世生外象生象來爻生互內象艮別子應
有五子一子短命顏回曰何以知之曰內象是本子一艮變爲
二醜三陽爻五子是五子一子短命是以前知短命他以故也
有字
訛是夫子精易以卜知之昔魏王朗相論云仲尼之門童冠之
羣不言形相抑亦難據故也是夫子不言相也霍無以答

范目

風俗通高祖封范目爲閬中慈鳧鄉侯並復除目所發賣人盧
朴沓鄂夕度襲七姓不供租賦按范目一引作范自蒙晉樂志
又作范因言封因爲閬中侯不言鳧慈鄉侯寧陽國志云慈鄉
侯皆誤蓋目先封長安建章鄉侯後封閬中慈鳧鄉侯目固辭

乃封度沔鄉侯也今志引常璩志慈下脫鳧字度沔鄉侯鄉誤作縣

扶嘉

西京雜記漢廷尉扶嘉胸臆人也初嘉母于湯溪水側遇龍後生嘉長占吉凶巧發奇中高祖爲漢王時與嘉相遇嘉勸定三秦高祖以嘉志在扶翼賜姓扶氏爲廷尉食邑胸臆嘉臨終有言曰三牛對馬嶺不出貴人出鹽井志引未注書名

張寬

搜神記漢武志時張寬爲揚州刺史先是有一老翁爭山地詣州訟疆界連年不決寬視事復來寬窺二老形狀非人令卒持

杖戟將入問汝等何精翁走寬阿格之化爲二蛇

羅桓

按劉寬碑陰門生名有郎中蜀郡成都羅桓吉禮漢書西羌傳蜀人羅橫應尹就募刺殺呂叔都橫或卽桓也又按晉書李壽載記有畧易羅桓又一羅桓也

樾爲郡文學卒史舍人

陸德明經典釋文敘錄云爾雅有樾爲文學註三卷關中卷七錄云樾爲文學爾雅三卷按樾爲文學卽與東方朔同時待詔詔爲隱語被榜呼譽之郭舍人也西京雜記言其善投壺爾雅疏引舍人文選羽獵賦注引作郭舍人一云樾爲郡文學卒史

臣舍人又按漢書儒林傳有文學掌故當是兩官漢舊儀博士弟子射策甲科補郎中乙科補掌故而不言丙科疑丙科則文學也漢書又云擇掌故補中二千石屬文學掌故補郡屬通考注云掌故尊於文學掌故竊意下掌故二字衍文晁錯以文學爲太常掌故兒寬射策乙科爲掌故房鳳射策乙科爲太史掌故俱不言文學可證其爲兩官也王莽時甲科四十人補郎中乙科二十人補太子舍人丙科四十人補文學掌故丙科倍于乙科疑是兩官而統言之言補文學亦補掌故也而如淳注引漢儀甲科補郎中乙科補太子舍人與王莽同次補郡國文學則丙科也亦不言掌故然以如淳所引考之則郡國各自有文

學也漢書又云博士弟子通一藝以上者補文學掌故缺有吏百石通一藝以上者補卒史按卒史秩不同中二千石二千石之卒史則秩比二百石以上及百石也郡太守卒史則比百石以下也傳所云秩比二百石以上及吏百石卽左右內史大行卒史也比百石以下卽太守卒史也皆史之倒文補中二千石屬卽左右內史大行卒史也郡屬卽郡太守卒史也亦史之異文臣瓚注卒史秩百石此以郡國卒史言之如張敞以鄉有秩補太守卒史朱邑以桐鄉嗇夫遷補太守卒史是也元帝時始置郡國五經百石卒史蔡邕傳邕書石經立太學門外号鴻都石經郡設卒史視之此卽五經百石卒史也通鑑東通一藝以

上者請皆選擇以爲右職胡三省注吏謂百石以上及比百石以下也右職謂中二千石之卒史也按儒林傳選擇其秩比二百石以上及吏百石此言選擇史秩與文學掌故相次者卽左右內史大行卒史也兒寬以射策爲掌故卽次補廷尉文學卒史正是其例比百石以下卽郡太守卒史也通鑑因百石有吏字謂選擇其吏之通一菽以上者而未嘗考其前後之文義也以爲右職本出文翁傳顏注郡中高職謂掾曹之屬黃霸爲左馮翊以霸入財爲官不補右職則卒史非右職明矣又按廷尉有文學卒史則九卿應皆有之不特左右內史大行也史文特舉其例耳劉昭注續漢書百官志引應劭漢官儀河南尹百石

卒史二百五十人水經注爲妄人改作百夫吏卒近人戴震知百夫之舛仍曰百石吏卒杜佑通典三國志譌爲百石吏卒皆非也犍爲郡文學卒史臣舍人當是初爲郡文學後補太守卒史以能諷誨善投壺入爲待詔舍人也漢之卒史皆用本郡人獨三輔用它郡人祿二百石翁學士方綱以文學舍人爲二人尤謬陸德明言所注爾疋闕中卷故自釋訓以下釋草以上並無一語見釋文及諸疏惟齊民要術引釋器一條水經注引釋水二條賈鄴二人著書在前必見全本也

王喬犍爲人

水經注武陽北山者王喬所升之山也史記索隱顧氏案裴秀

冀州記云緱氏仙人廟者昔有王喬捷爲武陽人爲柏人令于此得仙案裴說在酈道元之前未知何據任豫益州記武陽縣有王喬仙處王喬祠今在縣寧陽國志捷爲郡治契道後徙武陽王喬升其北山可知喬之爲武陽人也則緱山控鶴者非王子晉矣水經注又云梁國蒙縣薄伐城內有王子喬冢有碑題曰仙人王子喬碑曰王子喬者蓋上世之真人聞其仙不知興何伐也博問道家或言潁川或言產蒙初建此城則有斯丘是又以王子喬爲潁川蒙縣者也北夢瑣言載馬郁贈韓定求詩曰別後嵯嵯山上望羨君無語對王喬仙傳言王喬爲柏人令于東北嵯嵯山得道後漢書王喬河東人顯宗世爲葉令朝會

曰雙鳧飛來羅得係所賜尙書官履或曰此卽古仙人王子喬也是爲柏人令者一王喬食肉芝而仙卽蜀人也爲葉令飛舄者一王喬皆非吹笙之王子喬也列仙傳真誥謂子晉卽爲王子喬疑非是然廬陵泰和縣有子喬之奴爲神豈神仙蹤跡果無定耶

揚子雲爲北方鬼帝

酉陽雜俎揚子雲爲北方鬼帝治羅鄩山嚴君平尙在峨眉山蜀揚雄有二

隸釋漢繁長張禪等題名有郡掾揚雄字孟孝

揚信

劉向別錄揚信字子烏雄第二子幼而聰慧雄算多經不會子
烏令作九數而得之雄又擬易羝羊觸藩彌日不就子烏曰大
人何不云荷戟入榛桲烏爲字信爲名也而袁文襄牖閒評以
揚子育而不苗者吾家之童爲句烏乎爲句謂子雲歎其子童
蒙而早亡故曰烏乎卽嗚呼字且以蘇東坡張芸叟用童烏爲
錯考文士傳漢桓麟答客詩曰伊彼揚烏命世稱賢客示桓麟
詩亦云揚烏九齡郎中鄭固碑云大男孟子有揚烏之才此豈
作歎詞解乎近人有拾其餘唾者亦疏陋之甚又常璩言烏童
七歲預玄文九歲而天問神篇則言九歲預玄文徵以元龍之
詩言九歲者是桓譚新論曰揚子雲爲郎居長安素貧比歲亡

其兩男哀痛之皆持歸葬於蜀以此困乏雄察達聖道明於死
生宜不下季札然而慕怨死子不能以義割恩自令多費而致
困貧也

長卿爲蟋蟀

成都舊事王吉夜夢一蟋蟀在都亭作人語曰我翌日當舍此
吉覺異之使人於都亭候之司馬長卿至吉曰此人文章橫行
一世天下呼蟋蟀爲長卿卓文君一生不食蟋蟀

洛下黃閣

桓譚新論揚子雲好天文問之於洛下黃閣以渾天之說閣曰
一作老工我少能作其事但隨尺寸法度殊不曉達其義後稍稍益

愈到今七十乃甫適知已又老且死矣合我兒子受業

一作愛學作

之亦當復年如我乃曉知已又且復死焉其言可悲可笑也按
碧山所言黃閔卽漢書所云撰太初厯之洛下閔也是洛下閔
姓黃也嶠陽國志文學聘士洛下宏字長公閔中人昆字長公
也史記律書注徐廣曰陳術云徵士巴郡洛下閔又引蓋部耆
舊傳閔字長公明曉天文隱落卜是落下巴郡之地名也顏師
古以爲姓洛下名閔誤矣厯世相沿莫知其非林寶鄭樵輩遂
增洛下一姓直是目不視書者晉書云洛下黃閔蓋部耆舊傳
巴郡洛下閔改顓頊厯爲太初云後八百年差一日又嶠陽國
志叙陳壽云壽遂卒洛下則洛下之爲閔中地無疑漢書洛字

不從草應勅風俗通字從草云洛下姓出於皋落亦矣洛宜出於有洛氏也見周書史記解

楊莊

西京雜記蜀人楊莊誦揚雄文于成帝成帝好之以爲似相如案常璩序志云尙書郎楊壯成都人見揚子方言是楊莊官尙書郎也

嚴邁

太平御覽引益部耆舊傳云嚴邁爲揚州刺史行部聞道旁女子哭聲不哀問所哭者誰對曰夫遭燒死邁勸吏舁尸到與語訖語吏云死人自道不燒死乃攝婦人令人守尸云當有枉吏

白有蠅聚頭所邁令拔視得鐵錐貫頂考問以滌殺夫案干令
升搜神記亦紀此事志沿譌作嚴遵非也遵字君平邁字王思
聞中人妻張叔紀其子名羽字子翼爲徐州牧漢應季先有美
嚴王思爲揚州刺史詩

瞿鵠子

李膺記云神仙傳瞿鵠子繫龍於此在新津縣圖經瞿君子鵠
子後漢犍爲人入峨眉山四十年得仙乘白龍還家按莊子齊
物論瞿鵠子問於長梧子是瞿鵠子非漢人也圖經之言譌太
平寰宇記謂瞿君名武字鵠子舊通志云名居且均非

莊遵友惠車子

湖廣志惠車子與莊君平雅相善數遊三湘久棲南嶽

左姬

後漢書清河孝王傳殤帝崩安帝祐立帝所生母左姬字小娥
小娥姊字大娥健爲人初伯父聖坐妖言伏誅家屬沒官二娥
數歲入掖庭及長並有才色小娥善史書喜辭賦和帝使諸王
宮人因入清河第慶初聞其美賞傳母以求之及後牽愛盛姬
妾莫比姊妹皆卒葬於京師

雙勝

齊陽國志楊敬郭孟妻楊文之女爲父報仇殺李盛欲俱亡涪
令雙勝止而安慰之

吳順

師覺授孝子傳吳順字淑和健爲人性至孝母歿負土成墳有
赤烏巢門甘露降戶澍按寧陽國志作叔和爽道人察孝廉爲
永昌太守

隗相

袁山松後漢書隗相養母至孝母好飲江流相常隆冬取水後
一朝橫石浮江無有難涉由是顯名按相字叔通

趙珩

孟部耆舊傳趙珩少好遊俠行部帶劍過亭長亭長譴之嘆曰
無大志故爲豎吏所輕耳於是解劍挂壁曰珩不乘輜車佩綬

不復佩劔因之京師詣太學受業治春秋變行厲操名德遠稱
除野王令乃解劔帶之官按學陽國志目錄公車令趙珪字孫
明閬中人子毅字仲都公府掾

楊仲續

益部耆舊傳楊統字仲通曾祖父仲續河東方正拜祁令甚有
惠德人爲立祠樂益部風俗因畱家新都代修儒學以夏侯尚
書相傳

雍陟 雍煜

漢趙相雍勸闕碑右校令望子陟胸忍令涉弟朗叩農令武都
太守朗弟勸成舉令勸子煜孝廉資中長江令王侍郎利金石

稗編以爲蜀漢非也靈帝熹平五年蠻復反擁沒太守雍陟遣御史中丞朱龜將并涼兵討之卽此人也

趙臺

隸釋漢柳敏碑云縣長同歲槩爲趙臺念素帛之義爲君立碑澍案此與武班碑均爲同歲立也洪邁云一生一死而寮友之好不變如此彼有並游誣其懷金身後不能清酒者不可同日語矣

菊花仙

夷堅志成都府學有神曰菊花仙相傳爲漢宮女蓋在漢宮飲菊花酒而得仙者求名者往祈有驗或曰成都漢文翁石室壁

聞畫一婦人手持菊花前對一猴。菊花娘子大比之歲。士人多乞夢。頗有靈異。搜神記戚夫人侍兒賈佩蘭後出爲扶風人。段儒妻說在宮中時事云。九月佩葉黃。食蓮餌。飲菊花酒。令人長命。菊花舒時。並采茶葉雜麥米餠之。至來年九月九日始熟。就飲焉。故謂之菊花酒。是蜀之菊花仙信。瀛宮女也。

蜀才

李鼎祚周易集解三十家有蜀才顏之推云。卽范長生也。李昊瀛之書曰。長生自稱蜀才。澍按。長生一名延久。又名九重。又名支字元壽。年過百歲。涪陵丹與人李雄立拜丞相。又加爲天地太師。尊之曰范賢。故又名賢。荻林伐山云。長生先事漢昭烈帝。

至特時一百三十餘年方輿勝覽云范寂字無爲劉先主時栖止青城山中以修煉爲事先主徵之不起就封爲道遙公得長生久視之道劉禪易其宅爲長生觀仙傳言寂得久視之術年百餘歲蜀人奉爲仙稱曰長生是長生卽寂也

甘寧

韋昭吳書甘寧本南陽人其先客於巴郡寧爲吏舉計掾補蜀郡丞頃之葉官歸家按陳壽志寧巴郡臨江人江津志瀼甘寧墓在縣西五里洛溪上謂之甘谷寧爲吳將歿歸葬於此此說大非江寧志直瀼山有甘寧墓或云有王氣孫皓鑿之寧墓不在瀼山矣而太平寰宇記甘寧墓在永興縣東六十里軍山之

陽永興在鄂州其說亦誤

劉玄

孫盛蜀世譜後主太子璿璿弟瑤琮瓚譙詢璩六人蜀敗譙自殺餘皆內徙值永嘉大亂子孫絕滅惟永孫孚奔蜀李雄僞署安樂公以嗣禪後永和三年討李勢盛參戎見見玄於成都也

曾參

搜神記曾參養母至孝曾有予鶴爲戎人所射窮而歸參參收養療治瘡愈放之後鶴夜到門外參秉燭視鶴雌雄雙至各銜明月珠報參其珠鬻數萬緡參家遂富按曾參事亦見述異記及孝子傳又梁四公記杰公亦言曾參鶴珠當係魏晉時人太

平寰字志云仁壽縣東南六十里有牢固冢高一丈五尺管蒯參至孝葬母於此修墳牢固也噲作蒯誤通志沿之非矣

賈似

魏略云盤越國一名濊越王在天竺東南數里與益部相近其人小與中國人等蜀人賈似至焉

帛仲理

郡國志云瀍水西南有帛仲理墓墓前有祠堂碑題曰真人帛君之表晉永寧二年立按水經注晉有帛仲理碑題曰真人帛君之表仲理名護益州巴郡人葛洪神仙傳以帛仲理爲遼東人水經注又云無終山帛仲理所合神丹處於是山作金五千

斤以救百姓又云隆慮山帛仲理之所遊神也

僧靜

法苑珠林西晉蜀郡沙門僧靜以苦行致目爲蜀三賢寺主誦法華經尋常山中誦經時至每感虎來蹲前聽部訖乃去常至諷詠輒見左右四人爲侍

馬自然

于述聞奇錄馬自然貌醜臃鼻禿鬢大口飲酒石餘醉臥卽以拳入口人有疾病告之折薪草呵而與食無不差者嘗吟曰管日曾遊魏伯陽無端醉臥紫金牀東君謂我多情嬾罰向人間作酒狂後住梓州上昇按自然名湘杭州鹽官人好經史嘗墮

雷溪經日方出坐水面言曰適爲項羽招飲復南遊歸鄉省兄嫂兄適外出三日而湘卒後劍州奏梓潼道士馬自然上昇勅浙西刺史覆視之啟棺惟一竹杖

輔神通

廣異記道士輔神通者家在蜀州幼而孤貧恆爲人牧牛以自給後見一道士命爲弟子引入水中有屋宇俾守丹竈兼教黃白之術後伺道士不在盜大還丹爲所逐出蜀州刺史奏神通曉黃白爭宗試之皆驗

曇憑造銅鐘

冥祥記釋曇憑姓楊犍爲南安人少遊京師學轉讀止白馬寺

音調甚工而過且自任時人未之推也於是專精規矩更加研
尋晚遂出郡翕然改觀誦三本起經尤善其聲後還蜀止龍淵
寺巴遠懷音者皆崇其聲範每梵音一吐輒象馬悲鳴因製造
銅鐘於未來常有八音四辯庸蜀有銅鐘始於此也

李白子女

楊天惠彰明遺事李白子曰伯禽女曰平陽按李白子伯禽女
平陽見綿州刺史高祝記女平陽又見柳亭詩話而侯鯖錄載
白詩云既死明月魄無復玻璃魂注明月玻璃李白二子名又
白有妹名月圓亦見高祝記也魏顥李翰林集敘載白初娶許
生子曰明月奴又合于魯一婦人生子曰玻璃明金臯太白祠

記言白無子一女嫁民間二孫女歸江左民家非也唐范正傳
李白新墓誌白孫女二人一爲陳雲之室一爲劉勸之妻皆編
戶氓召問之曰父伯禽以貞元八年不祿而卒有兄一人出遊
十二年不知所在太平廣記貞元五年李白子伯禽充嘉興監
徐浦下場糴鹽官戲侮蔡侍郎廟神女而卒事出通幽錄

蕃蠡

李膺益州記蕃蠡學道于麗元山昇仙前元作漓沅也案元和
志麗元山在新都縣北八里唐志九隴縣有漓沅山在縣北六
十里蕃蠡卽蕃釐取玉二方一白一赤種於揚州白爲瓊花紅
爲玫瑰遂建觀名蕃釐也

蜀有二姜發

晉書載記李特至成都縱兵大掠害西沓護軍姜發舊唐書白居易傳蜀客姜發授秋思聲甚澹

刺道元

太平寰宇記云玉女井在劍州望仙橋下東齊道人刺道元與一女子居井旁煉丹同上升

余朱洞

續博物志余朱先生僞蜀廣政中飲酒食豬臙渝州刺史謂其幻惑呂竹籠盛之沈諸江至夔爲漁人所得上昇嚴補闕得青金丹方朱桃椎薛稷圖其形傳于世按余朱先生名洞字通微

余朱榮族弟在蜀時與陳復休相善号歸元子神仙傳洞竇丹藥于成都市每粒要錢十二萬太守欲買之洞曰太守金多非百二十萬不可太守怒命納竹籠沉于江大寧后鍾山有朱先生丹爐十國春秋以爲服藥輕舉也

郭曩氏 賣香薛翁 治篋籊安

王伯厚困學紀聞曰譙定天授之學得於蜀曩氏夸族袁溉道潔之學得于富順監賣香薛翁故曰學無常師按程迥曰定涪州人嘗受易于羌中郭載載告以見乃謂之象與擬議以成變化之義郭本蜀人其學傳自嚴君平又按宋史曩上本有郭字世家南平非夸族溉作滋閩人香作醬遇于邛眉間二程子所

見則成都治笮籬安郭曩氏及笮安醬翁皆蜀之隱君子故伊
川曰易學在蜀

三王

宋開禧初知縣薛紱建志云廢涪源縣東有唐三王墓唐史邛
黎間有三蠻王使伺南蠻卒葬於此蓋恭化王劉志遠和義王
都全信遂寧王楊清遠也北夢瑣言沈黎之間有淺蠻爲世襲
王号曰劉王楊王郝王歲支西川衣賜三十金俾偵雲南動靜
雲南亦資其覘成都盈虛恆持兩端而求利焉

蜀典卷三

老威介侯甫張 澍編輯

居寓類

虞皇軒帝早留芳蹤誰言周武始通巴庸尸佼紀水接輿
栖峯山川奇絕仙人多逢補其缺畧以飽儉曾

華胥居華渚

路史伏羲母華胥居于華胥之渚羅苹注寶積記伏羲所都國
有華胥之淵蓋因華胥居之而名乃閭中僉水之地王子年以
華胥爲九江神女誤按伏羲氏母名諸英也列子華胥氏之國
在弇州之西台州之北或謂華胥在華山之右胥相也爲華之

相其渚後曰雷澤

伏羲游蜀

路史注今峨嵋有伏羲女媧洞

女媧游蜀

常璩寧陽志蜀伏羲女媧之所常游

安登游常羊

春秋元命苞少典妃安登游於寧陽有神童首咸之于常羊羅泌云常羊寧陽之常陽也

鉅靈治蜀

路史循蜚記鉅靈氏之在天下也掘大象持化權乘太極而馳

灝淑立乎無間行乎無窮揣丸變化而與物相契鑿出于汾
揮五丁之士驅陰陽反山川正流並生神化大凝惟無恆處或
曰治蜀蓋以其迹躋焉羅萃注傳載鉅靈之迹多在蜀豈別一
鉅靈耶薛綜以鉅靈爲河神蓋本水經所引校通甲開山圖云
鉅靈與元氣俱生爲九元眞母治蹟在蜀是鉅靈在蜀有明徵
矣

帝侂

李膺益州記青城山天皇受帝侂五符文於此山牧德之臺今
在

祝庸居江水

山海經炎帝器生祝庸按祝庸爲黃帝司徒居於江水生術器兌首方顛是襲土壤羅泌云祝庸之封地今朱提

乎器居江水

史記乎器降居江水水經注江水南過越雋都至朱提西瀘江水則乎器封處路史國名記若之下流泝水也今蜀州

青陽降居泝水

大戴禮帝繫篇黃帝產青陽及昌意青陽降居泝水昌意降居若水按大戴禮蓋以乎器爲青陽而史記沿其誤據國語乎器青陽實是二人泝水湔水也一云若水之下流史記作降居江水或謂卽陽安故城之古江國非也榮縣青陽門記云榮門有

青陽洞以少昊國在其北門今正臨之故名按史黃帝子少昊封于青陽國爲少昊金天氏少昊降居江水國于青陽以金德王位在西方汲冢古文云或曰少皞名清不居帝位帥鳥師居西方以鳥紀官蓋本周書之說集覽云江水在蜀青陽出宋朝類苑今人以廬州之青陽爲少昊國誤矣

蓋盈氏居禺中

路史循蜚記若水之間禺中之地有蓋盈之邱蓋盈氏之墟也注若水之間地當川蜀在西南方此禺中之名所爲立海內經南海之外黑水青水之間有木名若木若水出焉有禺中之國有列襄之國按淮南子曰孫于衡陽是謂禺中是禺中不在若

水也蓋盈山海經作孟盈

有巢氏居壘

路史有巢氏居于壘注壘屬諡部按壘之爲諡州地他書無徵惟水經注云徠夷也汶山曰夷南中曰昆彌羅泌所言壘或卽昆彌也否則卽彌牟鎮也

炎慶甲主鄴都山 文王爲鄴都西都公

眞仙通鑑炎帝大庭氏諱慶甲天下鬼神之宗治鄴都山三年而一替楊長史手錄云炎慶甲者古之炎帝也今爲北太帝君天下鬼神之主也按陶隱居眞誥疑其爲神農又謂神農功高不應爲鬼帝當是黃帝所伐大庭氏今人謂鄴都爲陰府之

說祖此慶甲神農次子亦深明種植帝承知其賢用嗣爲帝慶甲居位四十年仍歸政於明帝明在位四十九年羅泌云炎帝慶甲帝柱之胄也真誥又言文王爲鄴都西都公領北帝師

昌意降居若水 顓頊生于若水

世本居篇若水允姓國昌意降居爲侯姓氏篇又云娒姬姓之國黃帝之子昌意降居若水爲諸侯此其後也呂氏春秋顓頊生自若水水經注黃帝長子昌意德劣不足紹承大位降居斯水爲諸侯娶蜀山氏女生顓頊于若水之野有聖德二十登帝位承少皞金官之政以水德寶歷矣按律厯志昌意卽蒼林氏也蜀國春秋曰乾荒娶蜀山女曰樞是爲阿女所謂淳子也生

顓頊是顓頊爲昌意之孫矣南郡之都允姓爲秦所入襄州樂縣非昌意所降之處也晉杜預亦沿其訛世本以昌意降居之樂水爲允姓誤矣若水羅長源謂卽濮水者亦誤水經若水出蜀郡旄牛徼外東南至故關爲若水注若水之生非一所也黑水之間厥木斯植故水受其稱焉九州要記構之臺登有雙諸川嬰武山若水出其下卽黃帝子昌意降居於此

蜀山昌僕

按大戴記昌意娶昌僕產顓頊人表云昌僕昌意妃生顓頊史記昌作景帝王世紀亦作景僕帝繫作濮路史作僕又作僕昌僕蜀山氏之女也卽女樞見帝王世紀又名渾子海內經云昌

意生韓流卽乾荒取淖子曰阿女生顓頊是昌僕又名淖子也
或以顓頊之母爲女樞而非昌僕且以昌僕非女樞亦非淖子
然淖子生顓頊伯益言之景僕生顓頊司馬遷戴聖言之女樞
生顓頊皇甫謐言之豈昌僕女樞淖子各生一顓頊乎可知其
說之妄矣

後照始爲巳人

海內經西南有巳國今三巴是太皞生咸烏咸烏生乘釐乘釐生後
照後照是始爲巳人爲之始祖有國曰流黃辛氏卽鄆氏也其域中方三
百里其出是塵土言殷盛也有巳遂山澠水出焉按水經若水注云
繩水出徼外引此經作繩水

孟涂涖巴訟

山海經夏后啟之臣曰孟涂是司神于巴

注聽其獄訟為之神主

巴人請

訟于孟涂之所

注令斷之也

其衣有血者乃執之

注不直者則血見于衣

是請

生

注言好生也

按竹書紀年帝啓八歲帝使孟涂為巴涖訟路史孟

涂敬職而能理神爰封于丹水經注引山經作血涂太平御覽

引作孟余或作孟徐又作孟念皆誤一云孟涂夏后啓之舅也

禹伐尼陳山梓

蜀紀夏禹欲造獨木船知梓潼縣尼陳山有梓徑一丈二寸合

匠者伐之樹神為童子不服禹責而伐之見太平御覽引

禹駐巫山

予與錄禹駐巫山之下大風卒至崖谷振隕力不能制忽遇雲
霧夫人禹拜而求助夫人卽勅侍女授禹筮召鬼神之書因命
其神狂章虞余黃麾大翳庚辰童律巨靈等助其斬石疏波浚
塞導昵

鼉靈爲刺史

蜀記鼉靈於楚死屍乃泝流上至汶山下忽復更生乃見望帝
立以爲相時巫山壅江蜀民多遭洪水靈乃鑿巫山開三峽口
蜀民陸處後令鼉靈爲刺史号曰西州皇帝以功高禪位于靈
号開明氏按三國志司馬宣王報夏侯太初書曰秦時無刺史
但有郡守長吏蒞家雖有刺史奉六條而已故刺史稱傳車其

更言從事居無常治吏不稱臣其後轉更爲官司耳是刺史始於漢文帝杜宇當七國時何得便有刺史明記者妄也常璩關駟輩所言皆是波玉壘山非巫山然玉壘與三峽口遠矣而鄉道元言巫峽爲杜宇所鑿以通江水亦誤豈以杜宇卽鼈靈乎

黃麾神

按黃麾廟記云李吉甫自忠州除潛時峽漲洶怒忽有神人涌出水上爲之扶舟李問何神曰黃麾神也又焦璐稽神異苑云唐咸通中蕭遘自右史竄黔南過三峽秭歸夢神人曰我黃麾神也祐公出此境司戶袁州參軍袁循乃記爲黃麾引靈寶之黃天魔王由不知黃麾之爲大禹臣也而廟記又言寇準經此

灘亦有神扶舟白稱黃庵神黃庵與大翳虞余狂章章律烏木田等佐禹治水者見集仙錄治水予與錄作黃庵者訛

雞鄧神

益州記雞鄧神在相如縣東次北下步有雞鄧谿因此而爲之名通志引寰宇記作雞卸誤

胤國卽利州胤山

路史國名紀胤侯爵風俗通云胤夏諸侯國今利州之胤山乾德三年平蜀天寶元曰胤山出舞衣羅革注今川錦是

有果氏

逸周書史記解晉有果氏好以新易故故者疾怨新故不和內

爭朋黨陰事外權有果氏以亡孔晁注有果亦國名路史國名
記今果州

秦惠王并巴中

樂史寰宇記秦惠王并巴中以巴氏爲繼夸長其人歲出牂二
千二十六錢二歲一出義牂千八百錢其人戶出幪布八丈二
尺雞羽三十銖漢興南郡太守靳強奏請一依秦時故事按秦
惠王後漢書作秦昭王二十六錢作一十六錢而蜀錄云口歲
出錢四十一作三十又漢書云歲令大人輸布一匹小口二丈
是謂竇布說皆差互不同

周赧王伐蜀

逸周書世俘解新荒命伐蜀按前云壬申荒新至告以馘俘此云新荒疑二人否則字有倒互

晉文公伐巴蜀

呂氏春秋晉文公西伐巴蜀

吳王伐巴蜀

呂氏春秋吳闔廬選多力者五百人利趾者三千人東征至於庫廬西伐至於巴蜀

陸通夫婦隱荻眉

皇甫謐高士傳陸通字接輿時人謂之楚狂隱蜀荻眉山案集仙傳接輿舁妻索氏同隱也

尸佼入蜀

漢書注尸子晉人也名佼秦相衛鞅客也鞅謀計未嘗不弁佼規也商君被刑恐并誅乃亡逃入蜀作書二十篇十九篇陳道仁義之紀一篇言九州險阻水泉所起也按漢藝文志尸子二十篇名佼魯人秦相商君師之鞅死佼逃入蜀古今人表尸子品列中中與北宮子魯子公扈子捷子田衍駢和次史記孟荀列傳集解裴駟按劉向別錄曰楚有尸子疑謂其在蜀今按尸子書晉人也名佼秦相衛鞅客也衛鞅商君謀事畫計立法理明未嘗不弁佼規也商君被刑恐並誅乃亡逃入蜀自爲造此二十篇凡六萬餘言卒因葬蜀隨經籍志尸子九篇亡魏黃初

中續又按尸子劉向別錄作晉人史作楚人藝文志作魯人不知誰是

丹犁臣蜀

史記秦本紀十一年公子通封于蜀十四年丹犁臣蜀相壯殺蜀侯來降正義云丹犁二戎号也臣伏于蜀蜀相殺蜀侯并丹犁二國降秦在蜀西南姚府管內本西南夸戰國時蜀滇國唐初置犁州丹州也

王昌至蜀

漢書王昌傳興年十二識命者李曼卿與俱至蜀十七到丹陽二十還長安

駙馬共使巴

尸子駙馬共爲荆使於巴見擔醢者問之是何以曰所以醢人也于是請買金不足益以車馬已得之盡注於江

龐德不葬蜀

王隱蜀記鍾會平蜀後鼓吹迎德屍喪還葬鄴冢中身首如生裴松之曰按德死于樊城文帝卽位又遣使至德墓所則其屍喪不應在蜀此王隱之虛說也

青牛先生入蜀

魚豢魏略初平中山東人有青牛先生者字正方客三輔曉知星厓風角烏情常食青箱莞華似五六十人或親識之謂其

已百餘歲矣。扈累隨正方遊學得其術。建安十六年三輔亂。隨正方入漢中。漢中壞。正方入蜀。

去習隱蜀 耆域游蜀

陶穀清異錄去習者。雲行至於峩眉山而隱。蓄三隻鞍。常穿二補。一又紫。神仙傳天竺耆域亦游峩眉也。

韋偃寓蜀

朱景予名畫評。韋偃京兆人。寓居於蜀。善畫山水竹樹人物等。思高格逸。居閒常以越筆點簇鞍馬千變萬態。或騰或倚。或齧或飲。或驚或止。或走或起。或翹或跂。其小者或頭一點。或尾一。抹山以墨。幹水以手。擦曲盡其妙。宛然如真。亦有圖麒麟之良。

蜀書 卷三
盡銜勒之飾巧妙精奇韓幹之匹也

翼珪遷蜀

晉載記秦行唐公洛與後將軍俱難并州刺史鄧羌會於涉翼
健庭翼健戰敗遁於弱水苻洛逐之勢窘迫退還陰山其子翼
珪縛父請降洛等振旅而歸堅以翼健荒俗未參仁義令入太
學以翼珪執父不孝遷之於蜀

平曾游蜀

唐范攄雲溪友議平曾恃才傲物多犯忌諱後遊蜀謁少師李
固言時幕客皆名士曾每與諸客評論言笑終日侍於李側輕
忽無所畏遂獻雪山賦云雪山雖茲潔白之狀疊障攢風夏日

清寒而無草木華茂爲人採掇以李罕作文章發於專經也李覽賦命推出木踰旬貢鯨鯢賦言此魚觸物而怒翻身波爲鵠鳶所獲柰魴鯉何李覽賦笑曰昔趙元叔之狂簡袁彥伯之機捷無以過焉然愛其文采投贄者無出於曾雖有忤不至深罪

李固言遊蜀

酉陽雜俎元和六年七月二十三日李固言遊蜀遇一老姥與言郎君明年芙蓉鏡下及第明年果然詩賦有人鏡芙蓉之目所遇老姥乃金天神也